

Inzko: Mogućnost članstva BiH u NATO-u “još aktuelna i konkretna”



Visoki predstavnik i specijalni predstavnik EU Valentin Inzko danas se sastao sa njemačkim ministrom odbrane dr. Karlom-Theodorom Freiherrom zu Guttenbergom i obavijestio ga o aktivnostima Bosne i Hercegovine u pravcu evroatlantskih integracija.

Komentirajući činjenicu da tokom sjednice Sjevernoatlantskog vijeća 4. decembra ove godine BiH nije pozvana da učestvuje u NATO-ovom Planu aktivnosti za članstvo, visoki predstavnik i specijalni predstavnik EU je naglasio da se prijava BiH i dalje razmatra te da je mogućnost članstva u NATO-u “još aktuelna i konkretna.”

Visoki predstavnik i specijalni predstavnik EU je zahvalio ministru Freiherru zu Guttenbergu na doprinosu koji Njemačka dugo vremena daje provedbi mira u Bosni i Hercegovini te izrazio nadu da će Njemačka nastaviti da daje podršku poslijeratnom oporavku zemlje i njenim evroatlantskim integracijama.